




ル 5  
3667  
3





門ル 5  
號 3667  
卷 3



陞陸總統事畧目錄

卷五

城池衙署 旗井

疆域山川

壇廟祠宇

糧餉 茶布

卷五 目錄

西陲總統事畧目錄

卷五

蘇州府志

蘇州府志

蘇州府志

蘇州府志

西陲總統事畧卷五

官保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室賡寧安齋繪圖

前任吏部員外郎程振甲也園校刊

城池衙署

旗井

伊犁凡九城駐防滿洲八旗官兵分駐惠遠惠寧兩

城惠遠居西惠寧居東相距七十餘里皆在伊犁河

北岸寧遠城駐劄回子在惠寧城東南其餘六城分

駐綠營官兵在惠遠城西北者五曰綏定曰廣仁曰  
瞻德曰拱宸曰塔爾奇惟熙春一城在惠寧城東南  
此外有錫伯有索倫達虎爾有察哈爾有厄魯特凡  
四營環伊犁之境分駐游牧錫伯營在伊犁河南岸  
八旗八堡屯耕而食其地寬十數里至三四十里東  
西長二百餘里厄魯特營上三旗在伊犁河西南與  
哈薩克布魯特連界下五旗游牧南界穆蘇爾達巴  
罕東界納喇特達巴罕北界回屯索倫達虎爾營在  
惠遠城西北屯牧百里至數百里之外察哈爾營八  
旗游牧在惠遠城東北菓子溝即塔爾奇大山之陰

環繞賽里木淖爾博羅塔拉之地

惠遠城乾隆二十九年伊犁河北岸創建高一丈  
四尺周九里三分門四東景仁西說澤南宣闡北來  
安中建鼓樓一座乾隆五十九年將軍保寧

奏明城東展築一百二十丈其舊城樓爲閣供奉

魁星

城內滿  
營駐劄

將軍衙署一所

各營領隊大臣衙署四所

惠寧城領隊大臣公署一所

營務印房糧餉駝馬功過公署五所

滿營檔房一所

八旗協領衙署八所

佐領防禦驍騎校衙署共一百二十所

各佐領磨房四十所

八旗官馬圈八所

軍器庫一所

倉員衙署一所

倉庫一所

理事同知衙署一所

撫民同知衙署一所

寶伊錢局一所

巡檢衙署一所

綠營總兵公署一所

敬業官學一所

義學一所

東門外教場一所

火藥局一所

西門外貿易廳一所

北門外管理關廂守備公署一所

東門外養濟院一所

惠寧城建自乾隆三十五年在惠遠城東北地名巴  
彥岱城高一丈四尺周六里三分門四東昌彙西北  
豐南遵軌北承樞城東垣內外屢出水泉城垣兵房  
多有傾圮將軍松筠於嘉慶十年

奏明向西移築將南東北三面水泉鱗灘潮溼之地隔  
出舊有傾圮城牆四百六十丈全行拆去南北兩面  
舊有堅固城牆各一百八十七丈及南北城門仍舊  
粘修如故東面接築三百丈又拆平舊城西面牆三  
百丈南北接舊有堅固城牆向西各接築一百九十  
五丈新築西面三百丈通共新築九百九十丈統計

原畱南北兩段舊有城牆通長一千三百六十四丈  
並於南北偏西添建城門二

欽頒城名西北曰綏成西南曰協阜

城內滿營駐劄

領隊大臣衙署一所

協領衙署四所

佐領防禦驍騎校衙署四十八所

滿營檔房一所

各佐領磨房十六所

八旗官馬圈四所

糧員衙署一所

倉廩一所

巡檢衙署一所

城西北教場一所

綏定城建自乾隆二十七年  
在惠遠城西北三十五里  
地名烏哈爾里克城高一丈七尺  
周四里三分門

三東仁熙西義集南利渠  
屯鎮中營駐劄

總兵衙署一所

遊擊衙署一所

守備衙署一所

千把外委衙署一十八所

軍器庫一所

糧員公署一所

倉廩一所

巡檢衙署一所

南門外教場一所

廣仁城建自乾隆四十二年  
在惠遠城西北地名烏克爾博羅素克城高一丈三尺  
周三里六分門三東

朗輝西迎灑南溥惠  
屯鎮左營駐劄

遊擊衙署一所

守備衙署一所



千把外委衙署一十八所

本營倉廩一所

軍器庫一所

瞻德城建自乾隆四十二年在惠遠城西北地名察

罕烏蘇城高一丈三尺周三里六分門三東升瀛西

履平南延景屯鎮右營駐劄

都司衙署一所

守備衙署一所

千把外委衙署一十八所

本營倉廩一所

軍器庫一所

拱宸城建自乾隆四十二年在惠遠城西北地名霍

爾果斯城高一丈七尺周三里七分門三東寅暉西

遵樂南綏定屯鎮叅將駐劄

叅將衙署一所

守備衙署一所

千把外委衙署一十八所

本營倉廩一所

軍器庫一所

巡檢衙署一所

熙春城建自乾隆四十二年在惠寧城東南地名巴  
彥岱城高一丈周二里二分門三東觀恩西凝爽南

歸極

屯鎮都  
司駐劄

都司衙署一所

千把外委衙署九所

本營倉廩一所

軍器庫一所

塔爾奇城建自乾隆二十六年  
在惠遠城西北地名塔爾奇城高一丈周一里五分六釐無城名亦無門  
名嘉慶七年於城北面兵丁自行展築四十丈添蓋

房間用資棲止

屯鎮守  
備駐劄

守備衙署一所

千把外委衙署六所

軍器庫一所

糧員衙署一所

倉廩一所

寧遠城建自乾隆二十七年地名固爾札城高一丈  
六尺周四里七分門四東景旭西環瀛南嘉會北歸

極

回子  
駐劄

阿奇木伯克衙署一所

伊什罕伯克衙署一所

近固爾札伊犁河北岸建糧員衙署一所

倉廩一所

距寧遠城八里

疆域山川

伊犁為天山南北兩路總會之區至

京師一萬七百餘里至嘉峪關五千二百餘里東距庫

爾喀喇烏蘇一千餘里又東距烏魯木齊一千九百

餘里東北距塔爾巴哈台一千五百餘里南皆大山

距阿克蘇一千餘里通烏什及庫車東南通喀喇沙

爾為土爾扈特游牧西北卡倫皆哈薩克游牧西南

卡倫外為布魯特游牧通喀什噶爾地處北路極邊

環山帶河袤延數千里形勢最為扼要邊陲鎖鑰控

馭事重故以將軍駐之其地自漢及魏皆為烏孫國

唐爲西突厥十姓之地後入回紇明稱瓦剌卽衛拉特之訛準噶爾世據此地乾隆二十年平準噶爾定名伊犁蓋取唐書伊麗水而名之伊麗一作伊列卽今伊犁河也河之北爲惠遠城將軍建節於此總轄滿洲蒙古八旗並錫伯索倫察哈爾厄魯特四營及屯鎮六營官兵軍容壯盛屯墾日闢碁布星羅遂成都會於是戎索所疆內如土爾扈特和碩特外如哈薩克布魯特之屬無弗恪共藩服感戴懷柔遇有將軍檄諭奉令維謹而究其撫馭之要術則貴乎宣

上德意恩威並濟本之以誠出之以信此身任邊帥者之責也故叙疆域而首及之以示兢兢焉其境內山川以次臚列具於左方  
格登山 惠遠城西南一百里乾隆二十年大軍勦準噶爾其汗達瓦齊結營此山兵近萬面水背巖以自固巴圖魯侍衛阿玉錫等三人率二十二卒策馬攻之破其營降六千五百騎達瓦齊逸尋被擒獻勒石山巔紀功有

高宗純皇帝御製碑文

額林哈畢爾罕山 城東北四百餘里乾隆二十二

年大軍討叛賊再定伊犁將軍兆惠等由此進兵  
塔爾奇山 城東北九十里一作達勒奇乾隆二十  
年北路大軍由博羅搭拉越此山之嶺進勦嶺險峻  
如關闔谷中林木茂密俗呼為菓子溝又附近伊犁  
有所謂庫隴癸者亦山隘口將軍兆惠會乘夜以八  
十餘人奪險擊賊於此卽

御製集中所咏六戰圖之一也

阿勒坦額墨爾都圖山 城西北四百餘里

崆郭羅鄂博 城東北三十餘里

博羅布噶爾蘇山 城東二百餘里

阿布喇勒山 城東二百餘里為將軍班第忝贊大  
臣鄂容安雙烈殉節處

那喇特達巴罕 在城東南通喀喇沙爾路自此而  
西為厄魯特游牧

伊犁河 城南半里許源出喀什崆吉斯二河水流  
深廣凡伊犁境內之水皆歸之過城南折而西北流  
四百餘里入哈薩克界又七百餘里遇沙而伏入巴  
勒喀什淖爾唐書言西突厥分其部為二以伊列水  
為界又顯慶二年以蘇定方為伊麗道行軍總管蓋  
指此水而言犁與麗同音列則音相近而訛耳

喀什河 城東北七百餘里卽伊犁河之源由喀什山中流出水極清駛西會博羅布爾噶蘇水又崆吉斯河特克斯河自東南來會之自此始名伊犁河喀什河北山每歲將軍練兵演圍於此謂之圍場其山之陰則屬庫爾喀喇烏蘇境矣

崆吉斯河 城東南六百餘里出山中亦伊犁河之源與喀什河合

特克斯河 城南三百餘里自南而東折而西與崆吉斯河合

察罕烏蘇河 城西北一百餘里

阿里瑪圖河 城西北一百二十餘里

霍爾果斯河 城西北一百四十餘里

策集河 城西北二百餘里

薩瑪爾河 城西北二百里

奎屯河 城西北三百餘里庫爾喀喇烏蘇所屬亦有此水名

特博爾津喀喇烏蘇淖爾 城西北三百餘里薩瑪

爾奎屯二水匯入之

賽里木淖爾 城東北二百餘里塔爾奇嶺之東巨浸滄泓周三百餘里其北越大山有川名博羅塔拉

準噶爾舊牧場也今為察哈爾游牧

烏哈爾里克河 城北一百餘里

闕里沁河 城東北一百餘里

博羅布爾噶蘇河 城東二百餘里

察布察爾河 城東南二百餘里

特穆爾里克河 城西南四百餘里

格根河 城西南五百餘里

哈爾奇喇河 城西南五百餘里

察林河 城西南五百餘里格根哈爾奇喇二水西

北流折而東北是為察林統入伊犁河

壇廟祠宇

萬壽宮在惠遠城北門內乾隆三十一年建門前勒有

高宗純皇帝御製土爾扈特全部歸順記碑文一通又

御製優恤土爾扈特部眾記碑文一通

關帝廟原在北門內乾隆五十七年將軍保寧

奏明改為 眞武廟移建 關帝廟於西門大街

御書額曰神佑新疆聯曰春秋志在威名遠戍己屯開廟貌

崇

八蜡廟在鼓樓東乾隆三十二年建

劉猛將軍廟在鼓樓西乾隆三十二年建

龍王廟在南門外乾隆四十年建

風神廟在西門外乾隆四十年建

城隍廟在北門內乾隆四十年建

火神廟在北門內乾隆五十七年建

山川 乾隆二十五年參贊大臣阿桂

奏祀伊犁之 格登山 額林哈畢爾罕山 伊犁河

三處請頒祭文香帛奉

旨着照所請每年春秋致祭外應用祭文香帛等物該部照例頒發欽此

乾隆二十八年正月奉

旨博克達格登等山現在每年俱有祭祀伊犁一帶山河並

未致祭嗣後所有伊犁等處應祭山河每年均着一體祭

祀欽此

博克達係鳥魯木齊所祀山名

是年二月將軍明瑞遵

旨將伊犁一帶應祭山河陸續擇日致祭并將山河名目另

片呈

覽請以每年應用祭文香帛等物照例頒發奉

旨着照所請行欽此另片所開致祭山河名目 崆郭羅鄂

博 隨祭阿里瑪圖河 阿布喇勒山 隨祭哈什

河崆吉斯河 阿勒坦額墨爾都圖山 隨祭薩瑪



爾河策集河奎屯河 塔爾奇山 隨祭賽里木淖  
爾及察罕烏蘇霍爾果斯河

嘉慶七年奉

上諭禮部奏伊犁春秋致祭格登山等處山河乾隆二十  
六年二十八年原頒祭文十六道應否增改請旨遵行  
一摺仰惟

皇考高宗純皇帝平定新疆版圖式廓懷柔河嶽祀典昭垂  
自應億萬年遵守原文用彰偉烈所有前頒祭文內原  
書

朕字俱敬謹改書

高宗純皇帝尊稱其餘字句概毋庸更改該部卽行文伊犁  
將軍永遠欽遵入於交代其烏魯木齊等處亦照此畫  
一辦理欽此

社稷壇在城外東南隅 嘉慶九年將軍松筠奏言伊犁  
自乾隆二十九年建立城垣後山河廟宇歷經載入  
祀典春秋致祭惟

社稷尙未建有壇壝伏思社以報功稷以祈穀現在伊犁  
八旗新開地畝疏濬水渠近已漸有成規年來春雪  
過大恐防農事曾於城外東南隅潔淨處所築壇祈  
禱幸得夏日暘和八旗綠營回子屯畝咸登豐稔本

年二麥現已登場秬稻亦已結實可卜有秋合無仰  
懇

聖恩准照各省地方建立

社稷壇載入伊犁祀典庶可隆祈報而垂永久等因具奏  
奉

硃批該部議奏欽此嗣禮部議則例內載凡直省府州縣  
各擇爽塏之地建

社稷壇均北向歲以春秋仲月上戊日爲民祈報等語今  
該將軍奏稱伊犁八旗新開地畝疏濬渠水近已漸  
有成規請照各省地方建立

社稷壇春秋祈報以隆祀典應如該將軍所請建立所有

春秋致祭祭品儀注均如各省致祭

社稷壇之例辦理其致祭應用銀兩照例咨報戶部核銷  
奉

旨依議欽此

禮部咨開祭文儀注 維某年月日致祭於 社

稷之神曰惟 神奠安九土粒食萬邦分五色以表

封圻育三農而蕃稼穡恭承守土肅展明禋時屆仲

春敬修祀典庶芑芑松柏鞏磐石於無疆翼翼黍苗

佐神倉於不匱尙 饗每年春秋譯致祭時豫陳祭

品每 神位前各帛一劍二簠二簋二籩四爵三共  
羊一豕一尊一 祭日鷄初鳴承祭官以下咸朝服  
齊集本地仍常服 黎明贊引禮生二人引承祭官詣盥洗  
所盥洗通贊禮生贊執事者各司其事贊引者引承  
祭官至堦前拜位立引班禮生二人分引陪祭官文  
東武西各就拜位序立乃迎 神贊引者引承祭官  
升壇詣香案前司香跪奉香承祭官三上香復位行  
三跪九叩禮陪祭各官皆隨行禮奠帛初獻爵司帛  
奉篚進跪奠篚司爵奉爵進爵奠正中皆退司祝禮  
生至祝案前跪承祭官暨陪祭各官皆跪司祝者讀

祝畢詣神位前跪安於案叩如初退承祭官暨陪祭  
各官行三叩禮亞獻爵奠於左終獻爵奠於右均儀  
如初獻乃徹饌送 神承祭官行三跪九叩禮陪祭  
各官皆隨行禮司祝奉祝司帛奉帛恭送瘞所承祭  
官轉立拜位西旁東面候祝帛過復位引至望瘞位  
望瘞贊禮告禮成引退衆皆退

先農壇在

社稷壇北嘉慶十年咨部捐建每年三

月致祭如祭

社稷壇之儀並行耕籍禮

文昌宮嘉慶七年奉部文致祭 文昌帝君應用香帛  
等項如 關帝廟之例惠遠城東門內原有 文昌

閣因閣當街衢礙難祭祀將軍松筠就閣西北建

文昌宮以舊閣祀 魁星

乾隆二十七年初建喇嘛寺於綏定城三十二年將  
軍阿桂

奏移建惠遠城東門外河岸

賜名普化寺內住堪布蘇拉喇嘛等衆

乾隆三十一年將軍明瑞

奏明於北門內建祠堂內祀前定北將軍領侍衛內大  
臣兵部尚書誠勇公班第前叅贊大臣內大臣兩江  
總督勦勒伯鄂容安

御賜額曰漠陞競烈

乾隆三十二年將軍阿桂

奏准以前將軍領侍衛內大臣雲貴總督兵部尚書一  
等誠嘉毅勇公明瑞入祠

乾隆四十二年將軍伊勒圖

奏准以前將軍 太保 武英殿大學士鑲黃旗滿洲  
都統謚文襄舒赫德入祠

乾隆五十四年將軍保寧

奏准以前將軍 太子少保領侍衛內大臣兵部尚書  
一等伯謚襄武伊勒圖入祠

嘉慶三年將軍保寧

奏准以前將軍 御前大臣 太保大學士領侍衛內

大臣誠謀英勇公諡文成阿桂入祠

嘉慶十三年將軍松筠

奏准以前將軍 御前大臣 太子太保大學士領侍

衛內大臣世襲義烈公諡文端保寧前將軍 御前

侍衛理藩院尚書成都將軍世襲承恩公諡武毅奎

林入祠

糧餉 茶布

惠遠城倉每年收綠營屯糧並回子應交糧石支放

本城滿營官兵口糧

惠寧城倉每年收綠營屯糧並回子應交糧石支放

本城滿營官兵口糧

固爾札倉專收回子糧石水運至惠遠城倉收貯以

備支放

綏定城倉專收綠營屯糧搭放惠遠城官兵口糧

塔爾奇倉專收綠營屯糧搭放惠遠城官兵口糧

以上回子每年交糧十萬石又交銅鉛廠夫口糧

小麥二千石其綠營按屯視其收成分數交納每屯十八分至二十八分不等其十八分者交細糧一千八百石二十八分者交細糧二千八百石綠營又交烏鎗步甲口糧小麥一千六百石惠遠惠寧兩滿城官兵及各出差官兵并將軍大臣同知等官口糧乾隆五十七年以前每年應需各色糧一十六萬六千六百六十餘石內綠營兵丁應需各色糧三萬一千六百三十餘石自五十八六十年陸續奏將綠營兵丁應支糧石改爲折色自後每年各項共應支放各色糧一十三萬五千餘石

錫伯索倫察哈爾厄魯特四營除照例支給餉銀外所有口糧俱係自耕自食

一將軍大臣侍衛官員等估需養廉鹽菜銀一萬三千二百餘兩

一惠遠惠寧兩城滿營官兵估需俸餉紅白事件銀三十八萬三千二百七十餘兩

一錫伯營官兵估需俸餉銀二萬六千零七十餘兩

一索倫營官兵估需俸餉銀二萬九千八百餘兩

一察哈爾營官兵估需俸餉銀二萬六千一百九十餘兩

一厄魯特營官兵估需俸餉銀三萬二千七百八十餘兩

一綠營官兵估需俸廉餉乾糧折公費紅白事件銀十三萬九千二百四十餘兩

一理事撫民同知各城巡檢估需俸廉公費役食銀七千餘兩

一南北軍台官兵估需鹽菜銀九百八十餘兩

一換防出差各項官兵估需鹽菜銀一萬兩

一土爾扈特汗王貝勒貝子公台吉估需俸銀八千八百餘兩

一喇嘛人等估需錢糧銀一千三百八十餘兩

以上共需銀六十七萬八千九百餘兩除隔年所調俸餉銀內約餘銀七千一百餘兩再伊犁所收房租稅銀一萬九千零九十餘兩內除照例畱存銀一萬兩以備公用外其餘撥歸正項銀九千零九十餘兩又扣收官兵領買綢緞布棉茶葉馬羊價銀六萬零四百七十餘兩寶伊局鑄錢文搭放兵餉節省銀二千二百三十餘兩以上通共收銀七萬八千九百餘兩於應調銀內扣除外尚應需銀五十九萬九千九百餘兩照例寬為備用應

調銀六十一萬兩每遇閏月即須加調冬春閏月約需銀五萬餘兩夏秋閏月約需銀三萬餘兩此項餉銀向係隔年估調具

奏由甘肅藩庫撥解交庫收貯以備次年應用今將官兵歲支廉俸鹽菜口糧細數開列於左

總統將軍一員歲支養廉銀三千兩俸銀一百八十八兩口糧九千觔

領隊大臣五員每員歲支養廉銀七百兩口糧四千六百八十觔

京來卡倫侍衛共十五員三年一換頭二三等待衛及護軍叅領副護軍叅領委護軍叅領品級不一

每歲共約支鹽菜銀一千數百餘兩口糧一萬數千觔

印房等處司官八員每員歲支鹽菜銀一百八十兩口糧二千五百二十觔

惠遠城糧員一員歲支鹽菜銀七十二兩公費銀一百八十兩口糧一千八百觔書斗工食銀一百零八兩口糧一千零八十觔

惠寧綏定塔爾奇固爾札四倉糧員四員每員歲支鹽菜銀八十六兩四錢公費銀一百八十兩口糧二千五百二十觔書斗工食銀一百零八兩口糧



一千零八十觔

撫民同知一員歲支俸銀八十兩養廉銀八百兩公費銀七百兩書役工食銀九百九十八兩四錢口糧一萬二千九百六十觔

理事同知一員歲支俸銀八十兩養廉銀八百兩公費銀七百兩書役工食銀五百一十八兩四錢口糧五千七百六十觔

惠遠惠寧兩城巡檢二員每員歲支俸銀三十一兩五錢一分九釐養廉銀三百兩書役工食銀二百七十三兩六錢口糧三千六百觔

綏定拱宸兩城巡檢二員每員歲支俸銀三十一兩五錢一分九釐養廉銀三百兩書役工食銀二百二十五兩六錢口糧二千八百八十觔  
印房等處額書帖寫二十九名每名歲支工食銀五十七兩六錢

印房等處兵吏十四名每名歲支鹽菜銀三十六兩官醫生一名歲支勞金銀六十兩

惠遠城滿營

協領八員每員歲支俸銀一百三十兩月支糧料折銀七十兩七錢一分九釐本色糧二石一斗九升

四合二勺馬料一石五斗四升三合

佐領四十員每員歲支俸銀一百零五兩月支糧料

折銀十二兩一錢九分一釐本色糧一石二斗二

升馬料一石零二升八合六勺

防禦四十員每員歲支俸銀八十兩月支糧料折銀

七兩四錢七分三釐本色糧一石二斗二升馬料

六斗四升二合九勺

驍騎校四十員每員歲支俸銀六十兩月支糧料折

色等銀五兩九錢本色糧一石二斗二升馬料五

斗一升四合三勺

筆帖式四員每員歲支俸銀二十一兩一錢一分四

釐月支加增鹽菜銀八兩糧料折色等銀四兩三

錢二分八釐本色糧一石二斗二升馬料三斗八

升五合七勺

委筆帖式十四員每員歲支鹽菜銀三十六兩其餘

錢糧俱在兵數內支領

前鋒領催四百八十名每名歲支錢糧銀三十六兩

自夏季起至秋季底止每月各支糧折銀一兩八

錢六分本色糧一石二斗二升又春冬二季每月

各支糧料折色銀四兩三錢二分八釐馬料三斗

八升五合七勺

委筆帖式及馬甲二千八百十四名每名歲支錢糧  
銀二十四兩自夏至秋每月各支糧折銀一兩八  
錢六分本色糧一石二斗二升又春冬二季每月  
各支糧料折色銀四兩三錢二分八釐馬料三斗  
八升五合七勺

砲手四十名每名歲支錢糧銀二十四兩月支糧折  
銀一兩三錢零二釐本色糧八斗五升三合三勺  
步甲匠役養育兵九百二十名每名歲支錢糧銀十  
二兩月支糧折銀三錢七分二釐本色糧四斗八

升三合八勺

惠寧城滿營

協領四員每員歲支俸銀一百三十兩月支糧料折  
銀十七兩七錢一分九釐本色糧二石一斗九升  
四合二勺馬料一石五斗四升三合

佐領十六員每員歲支俸銀一百零五兩月支糧料  
折銀十二兩一錢九分一釐本色糧一石二斗二  
升馬料一石零二升八合六勺

防禦十六員每員歲支俸銀八十兩月支糧料折色  
銀七兩四錢七分三釐本色糧一石二斗二升馬

料六斗四升二合九勺

驍騎校十六員每員歲支俸銀八十兩月支糧料折色銀五兩九錢本色糧一石二斗二升馬料五斗一升四合三勺

委筆帖式二員每員歲支鹽菜銀三十六兩其餘錢糧俱在兵數內支領

前鋒領催二百四十名每名歲支錢糧銀三十六兩月支糧折銀一兩八錢六分本色糧料一石二斗二升

委筆帖式及馬甲一千四百五十六名每名歲支錢

糧銀二十四兩月支糧折銀一兩八錢六分本色糧一石二斗二升

砲手十六名每名歲支錢糧銀二十四兩月支糧折銀一兩三錢零二釐本色糧八斗五升三合三勺步甲匠役養育兵四百三十二名每名歲支錢糧銀十二兩月支糧折銀三錢七分二釐本色糧四斗八升三合八勺

錫伯營

總管一員歲支俸銀一百三十兩

副總管一員佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎二員每員月支鹽菜銀二兩五錢

口糧六十觔

委筆帖式一員歲支鹽菜銀三十六兩

領催三十二名每名歲支錢糧銀三十六兩

披甲九百六十八名每名歲支錢糧銀二十四兩

索倫營

總管一員歲支俸銀一百三十兩

副總管一員佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎三員每員月支鹽菜銀二兩五錢

口糧六十觔

委筆帖式一員歲支鹽菜銀三十六兩

領催三十二名每名歲支錢糧銀三十六兩

前鋒四十名每名歲支錢糧銀三十兩

披甲九百六十八名每名歲支錢糧銀二十四兩

養育兵二百名每名歲支錢糧銀十二兩

左翼察哈爾營

總管一員歲支俸銀一百三十兩

副總管一員佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎三員每員月支鹽菜銀二兩五錢

口糧六十觔

領催二十二名每名歲支錢糧銀二十四兩

披甲八百六十八名每名歲支錢糧銀一十二兩

右翼察哈爾營

總管一員歲支俸銀一百三十兩

副總管一員佐領八員每員歲支俸銀一百零五兩

驍騎校八員每員歲支俸銀六十兩

領催護軍三十三名每名歲支錢糧銀二十四兩

委筆帖式一員歲支鹽菜銀三十六兩

披甲八百六十七名每名歲支錢糧銀十二兩

上三旗厄魯特營

總管一員歲支俸銀一百三十兩

副總管一員佐領六員每員歲支俸銀一百零五兩

驍騎校六員每員歲支俸銀六十兩

輪住卡倫空藍翎三員每員月支鹽菜銀二兩五錢

口糧六十觔

委筆帖式一員歲支鹽菜銀三十六兩

食一兩五錢披甲三名每名歲支銀十八兩

領催二十四名每名歲支錢糧銀二十四兩

食一兩披甲四百七十三名每名歲支錢糧銀十二

兩

食五錢披甲六百六十四名每名歲支錢糧銀六兩

下五旗厄魯特營

總管一員歲支俸銀一百三十兩

副總管二員佐領十員每員歲支俸銀一百零五兩

驍騎校十員每員歲支俸銀六十兩

食三兩錢糧拜唐阿一名歲支銀三十六兩

食二兩錢糧拜唐阿一名領催四十名每名歲支錢

糧銀二十四兩

食一兩披甲五百名每名歲支錢糧銀十二兩

食五錢披甲一千零七十七名每名歲支錢糧銀六

兩

沙畢納爾營

佐領四員每員歲支俸銀一百零五兩

驍騎校四員每員歲支俸銀六十兩

領催十六名每名歲支錢糧銀二十四兩

委領催十六名每名歲支錢糧銀十二兩

披甲五百七十一名每名歲支錢糧銀六兩

北路四台官兵

委筆帖式二員每員歲支鹽菜銀三十六兩口糧一

千零八十觔

綠營馬兵三十名每名歲支鹽菜銀十二兩三錢口糧四百四十觔

步兵三十名每名歲支鹽菜銀十二兩口糧四百三

十二觔

南路八台官兵

委筆帖式五員每員歲支鹽菜銀三十六兩口糧一

千零八十觔

披甲一百零五名每名歲支口糧三百六十觔

綠營

總兵一員歲支俸薪蔬燭紙紅銀五百一十一兩五

錢七分二釐養廉銀二千一百兩例馬料草折銀

一百六十五兩本色馬料六十一石

叅將一員歲支養廉銀八百兩俸薪蔬燭紙紅銀二

百四十三兩三錢三分六釐例馬料草折銀八十

二兩本色馬料三十石八斗

遊擊二員每員歲支養廉銀六百兩俸薪蔬燭紙紅

銀二百三十一兩例馬料草折銀六十一兩本色



馬料三十三石

都司二員每員歲支養廉銀三百八十兩俸薪蔬燭

紙紅銀一百四十一兩三錢九分六釐例馬料草

折銀四十一兩本色馬料十五石

守備五員每員歲支養廉銀三百二十兩俸薪蔬燭

紙紅銀九十兩七錢零八釐例馬料草折銀四十

一兩本色馬料十五石

千總十員每員歲支養廉銀一百八十兩俸薪銀四

十八兩例馬料草折銀二十兩本色馬料七石

把總十九員每員歲支俸銀三十六兩養廉銀一百

二十兩例馬料草折銀二十兩本色馬料七石

經制外委二十九員每員歲支養廉銀二十八兩餉

銀十六兩糧折銀二十五兩一錢四分二釐八毫

馬乾銀七兩一錢四分

額外外委二十九名 馬兵一千五百名每名歲支

餉銀十六兩糧折銀二十五兩一錢馬乾銀七兩

一錢四分

步兵一千五百名每名歲支餉銀十二兩糧折銀十

八兩八錢五分六釐八毫

回子阿奇木伯克一員歲支養廉銀五百兩

伊什罕伯克一員歲支養廉銀二百兩

喇嘛內副大喇嘛一名歲支錢糧銀一百一十三兩

六錢六分四釐口糧七千五百六十觔

蘇拉喇嘛一名歲支錢糧銀四十四兩七錢六分口

糧三千二百四十觔

首領喇嘛四名每名歲支錢糧銀十八兩口糧四百

八十觔

格隆格楚爾喇嘛九十六名每名歲支錢糧銀十二

兩口糧三百六十觔

土爾扈特汗一員歲支俸銀二千五百兩

親王一員歲支俸銀二千兩

郡王一員歲支俸銀一千二百兩

貝勒一員歲支俸銀八百兩

貝子三員每員歲支俸銀五百兩

輔國公二員每員歲支俸銀二百兩

扎薩克頭等台吉四員每員歲支俸銀一百兩

乾隆二十五年叅贊大臣阿桂

奏明每年由內地蘇杭江寧等處估調綢緞綾絹一千

餘疋二千疋不等存庫收貯將軍大臣官兵買用並

易換哈薩克牲畜

乾隆二十七年將軍明瑞

奏明每年由葉爾羌和闐等處額運回布九萬九千餘疋內每年轉運塔爾巴哈台三四千疋其餘布疋存庫收貯以便易換哈薩克牲畜

乾隆二十八年叅贊大臣伊勒圖

奏明每年由葉爾羌和闐等處額運棉花一萬五千觔存庫收貯每歲八旗官兵分買

乾隆二十九年將軍明瑞

奏明每年由陝甘省額調茶葉一十一萬一千五百觔存庫收貯每年將軍大臣官兵分買

以上綢緞布疋茶葉棉花各項俱係管糧同知專管所有餉銀每年隨撥隨放其倉糧現備貯三年有餘



西陲總統事畧卷六

宮保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉尉宗室賡寧安齋繪圖

前任吏部員外郎程振甲也園校刊

訓練

伊犁為邊疆重地訓練一事最屬要務雖駐防之八旗滿洲蒙古以及錫伯索倫察哈爾厄魯特等營並屯鎮綠營官兵皆

國家勁旅操演務臻純熟紀律端貴嚴明操演固有定例然其陳法尤不可不講爰出其式以授兩滿營協領翼長等官較演且進馬步甲於前親爲指示以時講習操練嘉慶八年五月陳法成謂之行操繕摺入告得

旨嘉允守斯土者其實心實力加意訓練以蘄無負巖疆重寄焉

惠遠城滿營官兵四千三百七十員名烏鎗步甲四百名內除換防塔爾巴哈台及出卡倫各項差使外其餘官兵定例每月逢四七十日演合隊行操二八

日演過堂準頭馬鎗一五九日演步箭三六日演馬箭惠寧城官兵操演亦然

行操式 是日詰旦各旗官兵齊集教場演武廳前兵分八隊令按八旗分中左右三軍以鑲黃旗官兵爲中軍跼立中間以正白旗官兵爲左軍跼於左翼以正紅旗官兵爲右軍跼於右翼以鑲白旗官兵爲前隊跼於中軍之前以鑲紅旗官兵爲後隊跼於中軍之後以正黃旗官兵爲殿後跼於後隊之後以正藍鑲藍兩旗官兵分爲二隊爲伏兵教場寬濶因立瞭臺三座相去各數百步一西一東一又東當各旗

官兵分隊跼立之際卽飭正藍鑲藍兩隊伏兵潛行  
伏於又東瞭臺之東於是鑲黃等六旗各統領率同  
隊長兵丁吹海螺齊以列陣各隊官兵俱各整立中  
軍揮旗止海螺鳴號砲三擊鼓各隊按次前進至西  
瞭臺前哨馬兵報於中軍該章京卽揮鑲白正紅之  
旗鳴砲以前隊及右翼官兵吶喊而出向瞭臺先操  
以三進連環鎗繼以拋擲火毬繼以連射當是時中  
軍揮正白鑲紅之旗鳴號砲一後隊及右翼官兵穿  
出整隊正進至東瞭臺兩隊同擊鼓鳴砲一兩隊官  
兵吶喊前進操演與前隊右翼同當是時前隊右翼

官兵檢拾箭枝已畢與中軍官兵相繼趨至前隊與  
右翼紮住不動吹螺鳴砲一獨中軍官兵前進與後  
隊左翼相合操演如前正操時中軍揮鑲白正紅之  
旗鳴砲三前隊右翼官兵亦照後隊左翼官兵旁出  
整隊前進吹螺行至瞭臺其鳴砲操演與後左翼同  
當是時中軍及後隊左翼檢拾箭枝已畢相繼趨至  
吹螺紮住中軍揮正黃之旗殿後援兵鳴砲一吶喊  
出戰與前隊右翼官兵相合操演亦如前當是時中  
軍揮鑲紅正白之旗鳴砲三後隊左翼官兵卽分隊  
旁出未至又東瞭臺之際其先分投埋伏之兩藍旗

官兵靜待中軍號砲至是中軍揮兩藍旗鳴砲三兩  
伏兵各奮勇吶喊出戰俱各進至瞭臺一箭之地揮  
旗勒隊見後隊與左翼官兵正在操演各鳴信砲一  
卽與後隊左翼官兵合演烏鎗繼擲火毬又繼以連  
射演畢與前隊右翼中軍後隊中翼合兵齊至中央  
吹螺收軍中軍復吹海螺鑲藍正藍二旗在前分隊  
行走次鑲白鑲紅次正白正紅按隊續行次中軍按  
行殿後正黃旗仍尾行整隊俱各跼立中軍揮旗鳴  
砲三各隊俱鳴鼓緩退當是時中軍若揮某隊之旗  
令向某方操演則某隊之兵突出前往操演又接揮

某隊之旗突出援之繼操已畢吹螺復整大隊如例  
操式合操三進聯環畢按步伍分例八隊紮住吹螺  
而撤每年十月演砲時所有行操官兵帶赴紅山口  
教練山操一次以習捨上壓下之法

錫伯索倫察哈爾厄魯特四營各於屯所游牧隨時  
操演鎗騎射

綠營操演兵一千二百名隨時操演屯田兵一千八  
百名秋收後輪流操演兵丁俱習鎗箭間習刀矛籐  
牌

每年十月滿營及綠營官兵在紅山口演放砲位十



數日惠遠城協領一員佐領以下官二員惠寧城派  
 協領一員佐領以下官一員綠營派都司一員千把  
 總各一員共兵四百二名其砲位鐵子鉛丸火藥俱  
 在軍器庫照數領出其鉛丸照檢七銷三之例辦理  
 每年春秋分旗在四城門樓清晨演吹海螺二月十  
 五日起三月初一日止七月十五日起八月初一日  
 止每兩旗派官一員專管滿營檔房委章京一員稽  
 查

換防塔爾巴哈台官兵 惠遠城滿營 佐領防禦  
 委叅領四員 內有協領委營長佐領委副營長 驍騎  
二員與惠寧城滿營輪流分派

校四員 兵四百名 惠寧城滿營 佐領防禦委

叅領三員 內有協領委營長佐領委副營長 驍騎校  
二員與惠遠城滿營輪流分派

四員 兵三百名 錫伯營 佐領委營長一員

驍騎校委叅領一員 兵一百名 以上官兵俱二員  
更換每年換一半

索倫營 驍騎校委叅領一員 兵一百名 內有領  
催委驍

騎校 察哈爾營 佐領委營長一員 驍騎校委叅  
 領一員 兵一百五十名 內有領催委 厄魯特營

佐領委營長一員 驍騎校委叅領一員 兵一百

五十名 內有領催委驍騎校二員 又嘉慶十二年  
以上官兵俱一年一換

奏明添派兵一百名 惠遠城滿營前鋒校一員兵十五  
名 惠寧城滿營兵五名 錫伯

號騎校一員兵三十名 索倫號騎校一員空藍翎  
一員兵三十名 察哈爾空藍翎一員兵十名 厄  
魯特號騎校一員兵十名 更換各如舊制

將軍隨時親赴教場閱看本城滿營官兵技藝其惠  
寧城滿營官兵技藝每年於夏秋間前往該城閱看  
冬月赴綏定城閱看綠營官兵技藝

每年八月將軍帶領各營官兵前往喀什地方演圍  
每年十月間八旗陳軍器於東城門外教場按旗排  
立將軍親往查閱

每年八九月賜將軍派領隊大臣帶同官兵巡查哈  
薩克邊界酌收馬稅踰一二年派領隊大臣帶同官

兵巡查布魯特邊界

巡查哈薩克邊界原為收取馬租定例不准冀圖多  
遠在西南哈爾奇喇卡倫以外越善塔斯太畢勒哈  
爾兩岸間有布魯特所種田地之巡至特穆爾圖淖  
爾導厄魯特時竄赴布魯特因被凌虐始行投出大凡巡  
查邊界之領隊大臣莫不尋覓通曉布魯特語言語之  
厄魯特以為通事並為嚮導該厄魯特藉此洩忿即  
以布魯特必須踐踏其田禾稟知將軍入  
逢巡查竟將踐踏田禾稟知將軍入  
沿已久遂為成例後有察哈爾部副總管職銜巴  
雅斯瑚郎者具言其狀自是以來巡查邊界之領隊  
大臣始禁官兵踐踏田禾布魯特人等無不頂感  
皇仁羣相觀悅蓋邊界者係指卡倫以外接界處而言  
果其於卡倫界內種地自應踐踏驅逐此在卡倫以  
外數百里之遠本與邊界無涉且該游牧人等藉種  
地而資生計豈可聽從厄魯特任意踐踏因推所以  
訓練

深入布魯特游牧巡查之故起自副將軍侯富德當  
 時因向哈薩克追阿睦爾撒納無獲折赴布魯特至  
 喀什噶爾追討回逆霍爾集等中途曾經具  
 奏布魯特游牧原係準噶爾所有至後始有巡查布魯  
 特之役其實布魯特並非準噶爾所有該部落沿邊  
 頭人名之曰北即伯克之稱投誠以來一如哈薩克  
 恭順以此較之名雖巡邊以實則巡查游牧若不  
 嚴禁官兵藉端滋擾殊不足以服外夷之心是歷任  
 將軍必宜諄囑巡查邊界之領隊大臣及各項官兵  
 斷不可踐踏布魯特大臣衙門存記遵行因附記於  
 此滿營檔房並各領隊大臣衙門存記遵行因附記於

軍器

一惠遠城滿營額設

燧四十八桿

盛甲一百三十副

撒袋四千零十副

弓四千六百二十張

梅針箭二十萬五千八百枝

腰刀四千四百一十把

帳房九百五十頂

鍋九百五十口

長鎗一千九百八十桿

前鋒手鎗二百三十二桿

前鋒校小旗四十桿

催總領催小旗一百六十桿前項俱係官兵自備隨帶

鳥鎗三千五百二十桿俱官為製給及由原營帶來

乾隆三十二年將軍阿桂奏請由部頒到應給協領佐

領等纛四十八桿領催前鋒校等小旗一百九十二

桿俱官為存貯

乾隆五十五年將軍保寧

奏明官為打造備用腰刀二千把貯軍器庫

乾隆六十年奉

旨每兵製造蘇火繩十丈共造火繩三萬五千二百丈俱係

兵丁自造官為存貯每年仍額造三千五百二十丈

操演出陳易新

又戰箭五萬四千五百八十枝

棉甲三千四百二十三件

大神砲一位

大銅砲八位

威遠砲四位

小銅砲二位

小鐵砲二位

駱駝砲十三位

子母砲十六位

劈山砲一位

鑽巴喇特鳥鎗五桿

以上俱在本城軍器庫存貯

乾隆三十三年惠遠城設立撒袋弓箭鞍鞞鐵造等

五局五十五年署將軍永保

奏准將撒袋弓箭等局合為一局派協領等官董理於

各營選擇善於工作人等修造售賣

惠遠城火藥局十所派滿營官員管理每年撥給硝

九千觔礮一千五百觔配造火藥一萬二千觔以供

兩城滿營之用再每年因操演加造火藥三千觔除

運送塔爾巴哈台火藥一千五百觔外餘為添給操

演各項差使之用因加造火藥每年添撥硝二千二

百餘觔礮六百餘觔

軍器庫每年應收硝礮數目 烏什應運硝六千五

百九十九觔六兩九錢七分 喀喇沙爾應運硝四

百二十八觔 庫車應運硝三百觔 烏魯木齊應

運硝五千觔 以上共硝一萬二千三百二十七觔

六兩九錢七分

庫車應運礮四百一十三觔七兩三錢二分五釐阿  
 克蘇應運礮一千三百七十八觔一兩八錢三分五  
 釐 以上共礮一千七百九十一觔九兩一錢六分  
 八旗兵丁每月逢四七十日演合隊行操二八日演過  
 堂準頭馬鎗一五九日演步箭三六日演馬箭每年  
 十月間官兵在紅山口地方演砲十數日 再本城  
 救火器具設有鐵鈎藤搭方頭棍俱係自備  
 一惠寧城滿營額設  
 纛二十桿  
 小旗八十桿

盔甲五十六副  
 撒袋二千零七十二副  
 弓二千三百六十八張  
 腰刀二千零八十八把  
 梅針箭十萬四千六百枝  
 帳房九百零四頂  
 鍋九百零四口  
 前鋒小旗十六桿  
 前鋒手鎗一百二十八桿  
 長鎗七百二十八桿

前項俱係官兵自備隨帶

鳥鎗一千六百九十六桿

俱官為製給及由原營帶來

乾隆四十二年將軍伊勒圖奏請由部頒到應分給協

領佐領等燾二十桿領催前鋒等小旗九十六桿

俱官為存貯

乾隆六十年奉

旨每兵製造蘇火繩十丈共火繩一萬七千丈俱係兵丁自

行造辦官為存貯仍每年額造三千丈操演出陳

易新

又棉甲九百副

大銅砲四位

威遠砲四位

駱駝砲四位

子母砲八位

以上俱在本城軍器庫存貯

八旗兵丁每月逢四七十日演合隊行操二八日演

過堂準頭馬鎗一五九日演步箭三六日演馬箭

每年十月間隨惠遠城滿營在紅山口演砲十數

日再本城救火器具設有鐵鉤藤搭方頭棍俱

係自備

一錫伯營額設

撒袋一千零八副

戰箭二萬三千七百七十枝

弓一千零八十二張

腰刀一千零八把前項俱係官兵自備隨帶

乾隆三十二年將軍阿桂奏請由部頒到燾九桿小

旗三十二桿在本營公所存貯

乾隆三十三年將軍阿桂

奏明即以兵丁錢糧在內地置辦撒袋三百副腰刀三

百把俱已補給兵丁外又戰箭三萬枝及該營原

帶來長鎗三百七十桿並本處添置長鎗一百二

十二桿俱在該營領隊檔房存貯本營兵丁每年種地秋收後

操演騎射

一索倫營額設

撒袋一千零五十八副

戰箭四萬四千四百五十枝

弓一千一百五十九張

腰刀一千零五十八把前項俱係官兵自備隨帶

乾隆三十二年將軍阿桂奏請由部頒到燾九桿小

旗三十二桿在本營公所存貯本營兵丁除出差之外俱

各隨時操演騎射

一察哈爾營額設



撒袋一千八百三十七副

弓一千九百三十七張

腰刀一千八百三十七把

長鎗八百六十八桿

鳥鎗三百四十七桿前項俱係官兵自備隨帶

乾隆三十二年將軍阿桂奏請由部頒到燹六桿小

旗十六桿在該營公所存貯

左翼官兵自該處帶來梅針箭三萬五千六百二十

五枝現貯該營公所

右翼官兵於乾隆三十三年將軍阿桂

奏明卽以兵丁錢糧製造梅針箭六萬一千五百零五

枝現貯該營公所本營兵丁除種地外俱各隨時操演騎

射

一厄魯特營官員並無額設器械惟兵丁每人本身

各有鳥鎗一桿長鎗一桿

乾隆三十二年將軍阿桂奏請由部頒到燹十六桿

小旗五十六桿嘉慶四年將軍保寧

奏明該營兵丁自製梅針箭三萬三千三百枝鐵長鎗

頭四十個俱在該營公所存貯

一伊犁綠營官員額設

撒袋九十八副

弓一百九十六張

腰刀九十八把

戰箭一萬一千枝 以上俱係官員自備隨帶

又由原營帶來

撒袋一千三百四十三副

弓一千三百四十三張

戰箭五萬五千九百枝

鳥鎗一千三百八十九桿

腰刀三千把

刷刀四十一把

長矛一百五十一把

威遠砲二十四位

子母砲十三位

大燾旗四十四桿

先鋒旗九十六桿

督陣旗四十四桿

號令旗二十五桿

什長旗二百二十桿

鐵盔甲一千五百副

棉盔甲一千五百副

號衣帽各三千件

帳房五百二十六頂

乾隆五十四年由惠遠城軍器庫撥領籐牌三百面  
乾隆五十六年燠兵自請在惠遠城軍器局買弓一

千八百六十張

前項器械俱在本營公庫存貯凡  
遇兵丁操演出差隨時由庫領用

查綠營兵丁三千名額定操演兵一千二百名隨時

操演屯兵一千八百名秋收後農隙之時亦皆輪

流操演兵丁俱習鎗箭間習刀矛籐牌演打砲位

其操演所用火藥鉛劬俱從惠遠城軍器庫領取

按年報部核銷 再綠營各城救火器具設有鐵

鈎藤搭方頭棍俱係自備

乾隆三十二年七月將軍阿桂  
奏言錫伯索倫兵丁俱係一千名八旗每旗編一佐領  
每佐領合兵一百二十五名除舊有佐領六員驍騎  
校六員外請添放佐領二員驍騎校二員由兵丁內  
再挑領催八名每佐領下領催四名兵丁一百二十  
一名其左右兩翼察哈爾兵丁共一千八百名附駐  
厄魯特閑散二百名分爲兩翼每翼合兵九百名厄  
魯特閑散一百名除舊有佐領六員驍騎校六員外  
再請添放佐領二員驍騎校二員除舊有領催外兵

營務成案

乾隆三十二年七月將軍阿桂

奏言錫伯索倫兵丁俱係一千名八旗每旗編一佐領  
每佐領合兵一百二十五名除舊有佐領六員驍騎  
校六員外請添放佐領二員驍騎校二員由兵丁內  
再挑領催八名每佐領下領催四名兵丁一百二十  
一名其左右兩翼察哈爾兵丁共一千八百名附駐  
厄魯特閑散二百名分爲兩翼每翼合兵九百名厄  
魯特閑散一百名除舊有佐領六員驍騎校六員外  
再請添放佐領二員驍騎校二員除舊有領催外兵

卷六  
丁內再挑領催十六名每佐領下領催四名兵一百  
十二三名附厄魯特閑散十二三名請將左翼舊有  
六個佐領新添兩個佐領作爲左翼四旗右翼舊有  
六個佐領添兩個佐領作爲右翼四旗至左翼厄魯  
特六個佐領作爲上三旗每旗兩個佐領每佐領合  
兵八十三四名閑散四十四五名外右翼厄魯特佐  
領六員驍騎校六員兵四百二十名閑散一千三百  
名每佐領下合領催兵丁七十名閑散二百十六七  
名現添兩個佐領亦請照舊有佐領所有兵丁數目  
每佐領合領催四名兵六十六名其餘一千一百六

十名閑散壯丁均攤每佐領下合一百四五十名編  
爲下五旗所有左右兩翼協領及錫伯索倫察哈爾  
總管關防佐領圖記另行改鑄發給其錫伯索倫察  
哈爾厄魯特官兵應得纛幟若一色製給不能分晰  
何項兵丁再滿洲兵丁由涼州莊浪原處帶來纛幟  
俱已損壞大小寬長不一熱河滿洲兵丁移駐之初  
並未帶有纛幟亦請造一分賞給因將分別營部纛  
幟式樣旗色繪圖恭呈

御覽俟

命下之日交

部製造等因經軍機處議覆俱照所請辦理

奉

旨依議欽此

乾隆三十七年五月將軍舒赫德

奏言查入於伊犁厄魯特部落之各項喇嘛沙畢納爾人等前經具奏編入總管碩通所管之下五旗十佐領下居住敬體

皇上崇廣黃教之意飭令碩通諭知此項沙畢納爾等仍遵阿喇木占巴胡土克圖舊制令其聚集誦經數月以來俱皆安靜惟查伊等在額濟勒時遵奉黃教會與土爾扈特人等另居一處今下五旗厄魯特人口倍

增官員甚少恐管束或不周而此項沙畢納爾人等在十佐領處分住若欲聚集一處誦經實有未便查現在上三旗厄魯特有額外佐領九員請由其中挑出四員將沙畢納爾之八百六十餘戶人口編為四個佐領管束仍着碩通總理不必充當差使令其一意遵奉舊制聚集誦經庶伊等益深欣感永遠安靜奉

硃批知道了欽此

乾隆四十年七月將軍伊勒圖

奏言伊犁滿營及錫伯厄魯特遇有甲缺挑選尙屬得

卷六  
人惟索倫察哈爾兩營壯丁甚少數年來遇有甲缺  
挑選之際竟不得年壯之丁念伊等賴有錢糧養贍  
家口挑選時不得不由幼丁內擇其身材稍大者挑  
取伏思伊犁地處極邊官差繁多各營兵丁必須挑  
補年壯者始有裨益理宜調劑辦理但索倫營兵一  
千戶若因伊等身材壯大之餘丁稀少輒將別營之  
壯大餘丁調補該營之缺恐習俗異而勢不可行其  
察哈爾營由原游牧來駐之初與厄魯特一併來駐  
且二十九年經將軍明瑞陸續將由哈薩克布魯特  
拔出之厄魯特等分入厄魯特察哈爾兩營嗣因投

出之厄魯特等稟稱厄魯特游牧俱有伊等親戚情  
願與厄魯特同居因而歸入厄魯特營者居多以致  
察哈爾營餘丁稀少應將厄魯特營年壯餘丁歸入  
察哈爾因查厄魯特下五旗壯丁卽有千餘名該營  
餘丁既多而甲缺有限暫時不能挑得錢糧若派一  
百餘戶不使分居歸入察哈爾不惟厄魯特等情願  
速得錢糧而察哈爾缺出挑選之時亦可得強壯人  
丁現將伊等一戶父子兄弟不使分離共挑厄魯特  
一百二十戶令其移駐察哈爾部落等因奉

硃批知道了欽此

乾隆四十三年四月將軍伊勒圖

奏言伊犁種地綠營兵丁三千名俱由陝甘各標派撥五年一換派撥之際應給製辦銀兩不惟糜費錢糧亦覺紛擾今伊犁攜眷滿洲蒙古兵丁駐防多年情形較初移駐時迥別而哈密巴里坤烏魯木齊瑪納斯等處種地綠營兵丁俱改爲眷兵駐防請將種地綠營兵丁亦改爲眷兵駐防所需管轄伊等之總兵各官亦按照現在換防數目作爲一定額缺再庫爾喀喇烏蘇精河所有種地綠營兵丁亦係五年一換俟將伊犁攜眷兵丁駐妥後亦請改爲攜眷居住等

因經軍機處議覆應如所奏辦理奉

旨依議欽此

乾隆四十四年三月將軍伊勒圖

奏言前因伊犁察哈爾年壯餘丁甚少奏明將厄魯特餘丁挑出一百二十戶移歸察哈爾在案數年以來察哈爾所出甲缺將移駐之厄魯特餘丁全行挑補現今挑甲又不得年壯人丁請照從前所辦厄魯特餘丁移歸察哈爾之例由厄魯特左翼餘丁內挑出一百戶移歸察哈爾住牧等因奉

硃批知道了欽此



乾隆五十四年二月將軍保寧

奏言察哈爾餘丁甚少其未成丁者皆係孩童現在厄魯特餘丁內未得錢糧者甚多若以之移補則兩部落均有裨益請由厄魯特年壯餘丁內不使伊等父子兄弟分離挑出二百戶俟青草發時即令補駐察哈爾等因奉

硃批知道了欽此

乾隆五十五年三月將軍保寧條奏調劑惠遠城滿營兵丁情形六款奉

硃批着軍機大臣等議奏欽此經軍機按款核覆一據奏稱

伊犁地處邊陲官差甚繁兵多益善惠遠城滿營官兵駐劄年久現在增添十六歲以上壯丁幼丁二千名雖有步甲缺六百分因係養贍伊等家口遇有缺出竝不論身材年歲不擇步射騎射惟以人口眾多無餉之人得給此內年幼者不能當差年已及歲人等不過僅敷當差之用不似京師操演請由現在步甲壯丁幼丁內挑選四百名不使當一切差使專派官員只訓練伊等打過堂打把遇有馬甲缺出停止由壯丁幼丁內挑選即由伊等內挑取所有糧餉俱請照步甲一例得給舊有步甲六百名仍照舊視伊

卷六  
等家口多寡作爲養贍分例得給年已及歲者令當步甲差使所有一年支放六千餘兩餉銀卽請由伊犁稅租內動支所需烏鎗四百桿將現今伊犁所有損缺烏鎗妥爲修理每名各給一桿等語查伊犁乃新疆要滙之區兵丁移駐年久生齒日繁若稍增益兵缺於防守地方養贍壯丁幼丁均屬有裨所奏尙屬可行應請如所奏辦理一據奏稱現在伊犁惠遠城雖有前鋒校前鋒委前鋒共四百四十名每歲換防查邊護守哈薩克等差需人甚多竟不能着意操演請由披甲內挑選六十名與前鋒一併操演當差

仍令食原餉再該城八旗四十佐領下其有前鋒校三十二名不敷管束請由前鋒內再委前鋒校八名共作爲前鋒校四十名每佐領下合前鋒校一名令其管束伊等亦照前鋒校令其戴用金頂藍翎毋庸添支得項等語查伊犁前鋒營應當官差甚多前鋒若少不但不能輾轉且亦不能着意操演所奏尙於公事有益應請如所奏辦理一據奏稱伊犁兩城滿營壯丁幼丁等不但應教習技勇凡耐習勞苦行營之道亦應預爲教演請嗣後凡有派出查邊坐卡出牧坐台打圍等差官兵如有情願將伊等子弟帶往

者卽聽伊等作爲跟役帶往教訓如無乘騎馬匹者請由該營官馬內通融撥給乘騎仍飭令帶往官員等嚴行管束禁止代替伊等父兄當差等語查壯丁幼丁等俱係預備挑甲之人未當差以前卽教習馬上行營之道經歷耐習勞苦之處挑甲後俱可成得力好兵今預爲學習一切差使起見尙屬可行請如所奏辦理惟無馬者通融撥給官馬乘騎之語微似含糊現今伊犁營中有無備用餘馬之處摺內並未聲明臣等礙難懸定請令保寧查現在伊犁各營場內如有現成富餘馬匹量加通融辦理卽撥給官兵

帶往無馬之子弟乘騎外否則毋庸辦添馬匹令其乘騎一據奏稱凡兵丁習學步射騎射俱取式樣演習者無非欲觀瞻之美但圍場殺牲皆恃馬上去得步射結實弓硬有準所以關東之人漢仗好能多殺牲者竝不在乎式樣請將伊犁兵丁照關東人步射騎射停其習學式樣但令練習馬上猛勇弓硬有準嗣後凡遇挑缺俱停止挑取式樣若非八力以上之弓步射騎射準頭平常者概不挑取等語查步射騎射原不在乎式樣準頭若好凡使用之處自可得益然準頭好者不必盡屬關東人果肯每日黽勉習學

不時操練無論關東人及內地之人皆能有準今該將軍所奏雖係欲使兵丁步射騎射俱以準頭爲要但毋庸拘泥內地式樣與關東人式樣嗣後惟視其人之身材膀背取樣令其不時練習務使馬上猛勇步射結實弓硬有準挑選時卽請如所奏辦理一據奏稱伊犁兵丁操演步射騎射放鎗而又全行操演馬上三鎗惟三鎗一項無甚用處數千名兵丁人人每日令其全行操演不惟反悞別項技藝一年枉費火葯數百觔徒勞馬力若將此項馬匹移於圍場令兵丁乘騎多多教習行圍較放三鎗尤勝請嗣後停

止兵丁全行演放三鎗亦照健銳營火器營一例止挑選百名專令操演以備筵宴來謁哈薩克之用其中挑取好者亦照健銳營火器營之例每月支給公費銀兩以示鼓勵此項銀兩由官舖所得利銀內支領得給等語查三鎗雖係兵丁馬上技藝但伊犁兵丁甚多若全行操演反占工夫以致各項技藝俱不能健銳而亦多勞馬力應請如所奏辦理一據奏稱伊犁所有各色砲位每年十月演放一次照例於砲位三分之一中請出一分演放惟兵丁熟悉砲位放出砲子情形使用之際方可期於得準請嗣後演放砲

位毋庸拘泥定例全行請出演放等語查伊犁地處邊陲非內地可比每歲演放砲位理應全行請出演放不惟兵丁得以熟悉所有砲位放出砲子情形而倡揚演放亦於地方增添威勢從前照內地之例三分中請出一分演放者皆緣前任將軍等過于拘泥今應如所奏辦理惟保寧係總統伊犁等處將軍似此地方瑣細之事自行主張辦理尚無不可今亦作爲一事入摺具奏稍覺繁瀆應請飭令嗣後如有此等瑣細之事毋庸按欵瀆陳惟宜酌量於地方情形公事有裨者卽爲辦理奉

臣依議欽此

乾隆五十九年十二月伊犁將軍保寧塔爾巴哈台叅贊大臣烏彌烏遜合辭

奏言查伊犁塔爾巴哈台之厄魯特部落原有食一兩錢糧兵丁一千三百三十二名前于乾隆三十七年因伊等人口滋生衆多又添入同土爾扈特來歸之沙畢納爾人等蒙

聖主特沛恩膏賞給一兩錢糧五百分經原任將軍舒赫德具奏分爲五錢一千分支給厄魯特等至今已閱二十餘年伊等人口滋生益衆兼有陸續由哈薩克布

魯特投誠及由各處骨肉團聚一千四百餘人俱入於伊犁塔爾巴哈台兩處部落旗分佐領令其當差行走現今兩處厄魯特準噶爾沙畢納爾等之內共有食錢糧正兵二千三百三十二名十六歲以上五十歲以下當差閑散餘丁共四千三百餘名一切官差正食錢糧之兵實不敷用閑散餘丁一律當差馬匹俱係目備毫無推諉遺悞之處因餘丁人數眾多挑缺時有當行走將及二十年尙未得五錢錢糧者實屬可憫伏查伊犁塔爾巴哈台之索倫錫伯察哈爾等部落兵丁等在新疆地方勉力當差陸續蒙

恩添賞銀兩錢糧因思此數年來由哈薩克布魯特投來之厄魯特漸已稀少伊等人數亦止於如是恭請

皇上施恩於伊犁塔爾巴哈台兩處之四千三百厄魯特奴僕等再添賞五錢錢糧數百分以資伊等生計益可得力

皇上如若施恩伏祈

特降諭旨等因奉

硃批爾等所奏甚是已有旨欽此旋奉到乾隆六十年正月

十三日

上諭伊犁塔爾巴哈台之厄魯特等數年以來感朕施恩一

切官差俱誠心効力行走甚屬可嘉現今雖有一兩錢糧  
五錢錢糧二千三百餘分但念伊等生齒日繁而官差衆  
多兼將閑散等一併出派未免生計拮据着施恩再添一  
兩錢糧一千分分爲二千分交該將軍大臣等合計伊犁  
塔爾巴哈台之厄魯特閑散數目均勻分給以示朕矜恤  
厄魯特奴僕之意欽此

